

Paggamit sa Bag-ong EU Visa Code Handbook Aron Mas Maprotektahan pa ang mga Tigpanalipod sa Tawhanong Katungod

Introduksyon

Ang baruganan sa EU sa pagprotekta sa mga tigpanalipod sa tawhanong katungod: usa ka kasabutan sulod sa 20 ka tuig

Sulod sa kapin kawhaan ka tuig, ang EU ug ang iyang mga Estadong Miyembro nibarog sa paghatag og proteksyon sa mga tigpanalipod sa tawhanong katungod ('Human Rights Defenders' o HRDs sa pinulongang ingles) pinaagi sa pagduaw kanila sa mga prisohan, pagtambong sa mga sesyon sa husgado, pag-ila sa ilang trabaho, pagdala sa ilang kaso pinaagi sa mga dayalogo, ug paghatag og mga tabang pang-emerhensiya pinaagi sa ProtectDefenders.eu. Daghang mga tigpanalipod sa tawhanong katungod nagkinahanglan usab og relokasyon, ug **ang mga nasod sa European Union mao'y makatabang sa paghatag og mga visa** niadtong mga naa sa sitwasyon sa peligro.

Unsa ang EU Visa Code Handbook?

Ang EU Visa Code Handbook mao'y giya sa mga consular staff sa pagproseso sa mga aplikasyon sa short-term visa (Schengen). Nagabase kini sa mga lagda sa EU mahitungod sa mga visa ug pagsulod o gawas sa mga tawo, ginaila isip ang Visa Code ug ang Schengen Borders Code, nga aplikable sa pagpuyo sa usa ka lugar **hangtod 90 ka adlaw**.

Samtang ang Visa Code wala'y espesipikong kategorya alang sa mga tigpanalipod sa tawhanong katungod, ang **labing bag-o nga balita niadtong Hunyo 2024** nagpaila sa mga giya aron mas matubag sa mas maayong pamaagi ang ilang mga panginahanglan. Ang mga long-term nga visa ug mga permiso sa pagpuyo padayon nga mahibiling responsibilidad sa kada Estadong Miyembro sa European Union.

Nganong importante kining maong bag-ong kalamboan alang sa mga nameligro nga tigpanalipod sa tawhanong katungod?

Ang mga visa importanteng instrumento alang sa proteksyon ug pagpalig-on. Pinaagi sa pagsabot sa mga bag-ong giya, pwede nimong masabtan ang proseso sa mas epektibong pamaagi, hilabina sa pag-atubang sa mga kalit ug hinanaling pagpanghulga. **Ang pagpamilyarisa niining mga probisyon makatabang kanimo sa pagpanalipod sa imong katungod** ug sa pagpadayon sa imong trabaho sa luwas nga pamaagi.

Alang sa mas personal nga suporta, mahimong moduaw ka sa mga abogado o mga organisasyon alang sa tawhanong katungod nga mao'y nakasabot sa mga pamaagi sa pagkuha og EU visa.

Mga Bag-ong Kalamboan sa EU-Visa Handbook: Unsa ang mga Benepisyo Niini Alang sa mga Tigpanalipod sa Tawhanong Katungod

1. Pagka-flexible Alang sa Dili Residente

Kasagaran, ang mga konsulado mopatighayon sa mga visa applications alang lang sa mga tawo nga nagpuyo sa ilang lugar. Apan, **ang mga tigpanalipod sa tawhanong katungod mahimong mo-apply gikan sa laing lugar kon delikado alang kanila mobalik sa ilang kaugalingong nasod.** Importante kini alang sa mga tigpanalipod sa tawhanong katungod nga kinahanglan mopuyo gawas sa ilang nasod tungod sa hinanaling hulga ug lisod nga mga kondisyon. (*Article 6 Visa Code & p. 29 Visa Handbook*).

2. Pag-apply sa Uban pang mga Konsulado sa EU

Kon delikado ang pag-apply og visa sa imong kaugalingon nga nasod, ang mga tigpanalipod sa tawhanong katungod **gitugotan nga mo-apply sa usa ka konsulado sa laing nasod sa EU.** Kini aron makahatag kanimo og mas luwas nga kapilian kon delikado ang imohang kahimtang. (*Article 7 Visa Code & p. 31-32 Visa Handbook*)

3. Aplikasyon sa Usa ka Emergency Visa

Ang mga aplikasyon sa visa kasagarang ginapadala 15 ka adlaw adisir mobiyahe, apan **gina-awhag ang mga konsulado nga dalion ang proseso sa mga tigpanalipod sa tawhanong katungod nga naga-atubang og mga hinanaling mga hulga.** Lakip niini ang mga sitwasyon sa hinanaling peligro o kon adunay dinalian nga pagtambong sa mga pinakalit na kalihokang pang-adbokasiya. (*Article 9 Visa Code & p. 33 Visa Handbook*)

4. Prayoridad sa Pagproseso sa Visa Alang sa mga Tigpanalipod sa Tawhanong Katungod nga naa sa Grabeng Peligro

Ang mga konsulado mamahimong mobuhat og **mga dinalian nga mga pamaagi** alang sa mga tigpanalipod sa tawhanong katungod nga naa sa peligro. Dako kini og ikatabang hilabina sa mga sensitibong mga panahon, sama sa panahon bag-o ang eleksyon o samtang adunay dagko nga mga kampanya alang sa tawhanong katungod, aron makakuha dayon og visa sa panahon nga gikinahanglan.

(*Article 9 Visa Code & p. 35 Visa Handbook*)

5. Pag-ubos o Pagtanggap sa Bayranan sa Visa Alang sa mga Tigpanalipod sa Tawhanong Katungod

Ang mga bayranan sa visa mamahimong paubsan o tanggalon isip pagsabot sa importansya sa gimbuhaton sa mga tigpanalipod sa tawhanong katungod. Makatabang kini sa pagpaubos sa mga kalisdadang pinansyal sa panahon nga kinahanglan mobiyahe alang sa adbokasiya, training, ug mga emerhensiya. (*Article 16 Visa Code & p. 45 Visa Handbook*)

6. Simplikado nga Pagproseso sa mga Nailhang Tigpanalipod sa Tawhanong Katungod

Kon ikaw giila nga **kasaligang tigpanalipod sa tawhanong katungod o nailhan sa usa ka kasaligang third party**, makonsiderar ka nga 'bonafide applicant'. Posible nga mopasimple kini sa proseso, tungod kay dili na nimo kinahanglan mohatag og mga dokumentasyon, sama sa pruweba nga aduna ka'y pondo o puy-anan. Sa maong pamaagi, mas mapasayon ug mapapasas ang pagkuha og visa. (*Article 14 Visa Code & p. 61 Visa Handbook*)

Mga Bag-ong Kalamboan sa EU-Visa Handbook: Unsa ang mga Benepisyo Niini Alang sa mga Tigpanalipod sa Tawhanong Katungod

7. Makatarunganon nga Pagtasa sa mga Risiko sa Pagpanobra sa Pagpuyo

Kon ang mga konsulado nagtasa sa risiko sa usa ka tawo nga nisobra sa gituggotang panahon sa pagpabilin o pagpuyo sa usa ka nasod, ang maong mga konsulado angay nga mohatag og konsiderasyon sa mga impormasyon gikan sa mga respetadong mga organisasyon sa tawhanong katungod. Kini nagsiguro nga **adunay maayong pagatagad sa mga tigpanalipod sa tawhanong katungod, isip pag-ila sa kahimtang sa ilang trabaho ug padayon nga pagbarog alang sa luwas na pagbalik sa ilahang gigikanan** kon moarang-arang na ang sitwasyon. (Article 21 Visa Code & p. 77 Visa Handbook)

8. Multi-Entry Visa alang sa Padayong Pagpanarbaho

Kon ikaw gisuportahan sa usa ka gisaligan nga organisasyon, posible nga ikaw **kwalipikado para sa multi-entry visa kon hain dili na kinahanglan moagi sa taas nga sistema**. Kini nga sistema nagahatag og mga visa nga nakabase sa imong daan nga lehitimong paggamit og mga single entry visa. Ang usa ka multi-entry visa hilabinang magamit sa mga tigpanalipod sa tawhanong katungod tungod kay **kini pwede magamit pagtabok ug paggawas sa mga nasod sa EU sa kadaghang higayon**. Kini aron mas mapasayon ang pagtambong og mga internasyunal nga mga pulong, pag-apil og mga adbokasiya, ug paspas nga pagtubag sa mga labing kritikal nga mga sitwasyon. (Article 24 Visa Code & p. 88 Visa Handbook)

9. Limited Territorial Validity (LTV) Visas for Urgent Humanitarian Travel

Ang LTV pwede ihatag alang sa mga **tigpanalipod sa tawhanong katungod nga wala makahatag sa tanang kinahanglanon na mga dokumento, apan kinahanglan mobiyahe dayon** tungod sa trabahong pangtawhanong katungod. Kining maong visa nagahatag og pagtugot nga mobiyahe sa pipila ka nasod sa EU, aron mas luwas kon adunay mahimamat nga mga pagpanghasi o pagpanghulga sa imong nasod. (Article 25 Visa Code & p. 91 Visa Handbook)

10. Paspas nga Desisyon sa Visa

Ang mga konsulado kasagaran mokabat og 15 ka adlaw aron mohimo og desisyon kabahin sa visa, apan **ginahatagan og prayoridad ang mga tigpanalipod sa tawhanong katungod**. Kini aron maseguro nga ang aplikasyon sa visa maproseso sa paspas nga pamaagi, hilabina kon ikaw nag-atubang og hinanaling risiko o kinahanglan motambong og mga importante nga mga kalihokan. (Article 23 Visa Code & p. 80 Visa Handbook)

11. Pinaspas nga mga Aplikasyon sa Visa sa mga Utlanan

Sa mga pinili nga mga kaso, sama sa mga nagaagi og hinanaling hulga, **ang mga tigpanalipod sa tawhanong katungod nga dili maka-apply dayon og visa**, pwede mo apply sa utlanan sa usa ka nasod sa EU. Kini usa ka importante nga kapilian alang sa paspas nga proteksyon kon wala ka'y panahon nga mosubay sa regular nga pamaagi. (Article 35 Visa Code and p. 139-140 Visa Handbook)

12. Pag-Extend sa Visa Alang sa mga Tigpanalipod sa Tawhanong Katungod

Kon gikinahanglan nimong magpuyo o magpabilin tungod sa **wala damha nga mga peligro**, sama sa hulga pagkahuman sa usa ka publikong kalihokan o trabaho, **ang imong visa pwede ma-extend**. Kini nagaseguro nga naa ka sa usa ka luwas nga lugar gawas sa imong nasod hangtod nga mabugnaw ang maong pagpanghulga ug maarang-arang na ang sitwasyon sa imong lugar. (Article 33 Visa Code and p. 146 Visa Handbook)

Unsaon paggamit niini nga giya?

- **Ipalig-on ang imong hangyo alang sa visa:** Gamita ang mga rekomendasyon sa giya aron makahatag ug klaro ug maayo nga dokumentasyon alang sa imong aplikasyon sa visa, nga makapadako sa imong tsansa nga malampuson.
- **Panig-ingnan alang sa imong kaso sa visa:** Gamita ang giya aron ipangayo ang patas ug dali nga pagproseso sa imong aplikasyon sa visa, pinaagi sa pagbanggit sa mga prinsipyo ug pamaagi nga nakalista niini.
- **Palig-ona ang imong kapasidad sa pag-apela:** Kung ang imong aplikasyon sa visa dili maaprubahan, gamita kini nga dokumento aron lig-onon ang imong apela, nga maghatag gibug-aton sa espesipikong proteksyon alang sa mga Human Rights Defenders (HRDs) nga gipasabot sa EU Visa Code Handbook.
- **Gamita isip reperensya:** Himua kini nga giya isip usa ka kasaligan nga reperensya sa mga diskusyon uban sa mga awtoridad sa konsulado o internasyonal nga mga lawas aron ipangayo ang mas maayong pag-implementar sa mga praktis sa visa nga sensitibo sa HRD.
- **Paghatag og training sa mga konsulado sa EU ug Member States sa imong nasod:** Paningkamuti ang lokal nga pagpalig-on pinaagi sa paggamit sa giya aron ma-train ang mga opisyal sa konsulado ug uban pang awtoridad bahin sa espesipikong panginahanglan ug katungod sa HRDs nga nanginahanglan visa.
- **Tambagi ang uban nga HRDs ug komunidad:** Ipaambit kini nga giya sa imong mga kauban, aron sila makadawat ug praktikal nga tambag ug mahimong mas andam sa pag-navigate sa proseso sa visa.
- **Pagpukaw og kasayuran:** Gamita kini nga giya sa mga kampanya publiko o inisyatiba sa adbokasiya aron ipasabot ang kaimportante sa flexible nga mga pamaagi sa visa alang sa mga HRDs nga anaa sa risgo.
- **Pakiglambigit sa internasyonal nga solidaridad ug networking:** Ipaambit kini nga giya sa mga kauban, network, ug organisasyon aron ipalapad ang kasayuran bahin sa mga hagit nga giatubang sa HRDs ug aron mapalig-on ang usag-usang suporta.
- **Monitor sa implementasyon:** Gamita ang giya aron sundon ug dokumentohan kung giunsa sa mga awtoridad sa konsulado ang pagpatuman sa mga pamaagi nga pabor sa HRD, ug mahibal-an ang mga aspeto nga kinahanglan pa pagpauswag.

Mga Kahinguhaan

EU Visa Code Handbook, June 26, 2024:

https://home-affairs.ec.europa.eu/document/download/1d79f44d-49ba-4847-951e-129f924b1051_en

ProtectDefenders.eu Visa for Defenders: International Civil Society Organisations call for an effective and enabling EU Visa Framework for at-risk Human Rights Defenders:

<https://protectdefenders.eu/wp-content/uploads/2022/09/Update-112023-Joint-Statement-ProtectDefenders.eu-Visa-for-HRDs.pdf>

Updates to the EU Visa Code Handbook: encouraging news for human rights Defenders, July 2, 2024, UN Special Rapporteur on HRDs:

<https://srdefenders.org/resource/updates-to-the-eu-visa-code-handbook-encouraging-news-for-human-rights-defenders/>

Kabahin sa ProtectDefenders.eu

Ang ProtectDefenders.eu mao ang **mekanismo sa European Union Human Rights Defenders** nga gitukod aron mapanalipdan ang mga Tigpanalipod sa Tawhanong Katungod nga naa sa sitwasyon sa risiko ug para suportahan ang ilang trabaho sa lisod nga mga sitwasyon sa tibuok kalibutan. Kini **gipanguluhan sa usa ka Consortium o Panaghugpong sa 12ka NGO** nga aktibo sa natad sa Tawhanong Katungod. Sukad sa paglunsad niini, ang ProtectDefenders.eu nagahatag og suporta sa kapin 10,000 nga mga tigpanalipod sa tawhanong katungod ug mga organisasyon kada tuig.

Pagkat-on og dugang ug Pag-kontak Kanamo

Kat-oni ang among mga programa sa hinabang pinansyal alang mga mga tigapanlipod, mga organisasyon sa masa, ug mga komunidad pinaagi sa pagbisita sa [among website](#).

Mahimo nga kontakon mi ninyo pinaagi sa usa ka luwas o segurado porma o pinaagi sa email nga contact@protectdefenders.eu.



This project is funded by
the European Union

Kining maong publikasyon gihimo pinaagi sa pagtabang sa European Union. Ang unod niining publikasyon responsibilidad sa ProtectDefenders.eu lamang ug dili siya pagatan-awon nga nagpakita sa panglantaw sa European Union.